

Efni	Hámarks magn og/eða takmarkanir	Dæmi um lyf og lyfjaform, er selja má án lyfseðils	Áletrun og/eða upplýsingar á fylgiseðli, sem afhenda skal með lyfinu.
	Lyfjaform í afældum skömmtum. Einstakur skammtur mest 2 mg. Mest 10 stk. handa einstaklingi.	IMODIUM, hylki.	Við bráðum niðurgangi; skammtímameðferð. Skammtar: Fullorðnir og börn 12 ára og eldri: 2 hylki í upphafi meðferðar. Ekki má taka meira af lyfinu fyrr en að 2–3 klst. liðnum og þá 1 hylki í senn eftir þörfum, en aldrei meira en 6 hylki á sólarhring. Lyfið er ekki ætlað börnum yngri en 12 ára án samráðs við lækni. Leitið lækni, ef niðurgangur hefur ekki batnað eftir tveggja daga meðferð. <i>Varúð:</i> Við háan hita eða ef blóð er í hægðum, má ekki nota lyfið: Leitið til lækni.

2. gr.

Reglugerð þessi, sem sett er samkvæmt heimild í 16. og 17. gr. lyfjalaga nr. 108/1984, öðlast gildi við birtingu.

Heilbrigðis- og tryggingamálaráðuneytið, 4. apríl 1990.

F. h. r.

Páll Sigurðsson.*Ingolf J. Petersen.*

Nr. 169

3. apríl 1990

SKIPULAGSSKRÁ

**fyrir Minningarsjóð Helgu Sigurðardóttur, skólastjóra
Húsmæðrakennaraskóla Íslands.**

Helga Sigurðardóttir, f. 17. ágúst 1904, d. 26. ágúst 1962, hafði forgöngu um stofnun Húsmæðrakennaraskóla Íslands og var skólastjóri hans frá því hann tók til starfa haustið 1942 og til 1. september 1961, að hún sagði starfinu lausu vegna heilsubreysts. Stjórn Nemendasambands Húsmæðrakennaraskóla Íslands gekkst fyrir stofnun þessa minningarsjóðs með sölu minningarspjalda við andlát Helgu Sigurðardóttur skólastjóra í þakklætis- og virðingarskyni fyrir brautryðjandastarf hennar.

1. gr.

Sjóðurinn heitir minningarsjóður Helgu Sigurðardóttur, skólastjóra Húsmæðrakennarskóla Íslands. Heimili hans og varnarþing er í Reykjavík.

2. gr.

Sjóðurinn nam hinn 25. janúar 1990 kr. 100 000,00 (eitt hundrað þúsund krónum).

3. gr.

Tilgangur sjóðsins er að styrkja til framhaldsnáms eða sérstakra verkefna:

1. kennara, sem lokið hafa námi frá Hússtjórnarkennaraskóla Íslands eða sambærilegum skólum.

2. kennara sem lokið hafa B.ed. prófi frá Kennaraháskóla Íslands með hússtjórn sem valgrein eða sambærilega menntun.
3. kennaranema, sem stunda nám á síðasta námsári með hússtjórn sem valgrein.

4. gr.

Sjóðurinn er sjálfseignarstofnun í vörslu þriggja manna sjóðsstjórnar. Hana skipa formaður Hússtjórnarkennarafélags Íslands, fulltrúi kosinn á aðalfundi félagsins til fjögurra ára og einhver af nánustu ættingjum Helgu Sigurðardóttur, tilnefndum af þeim.

5. gr.

Sjóðsstjórnin skal sjá um ávöxtun höfuðstóls sjóðsins með þeim ráðum sem hún telur heppileg hverju sinni.

6. gr.

Höfuðstól sjóðsins má aldrei skerða. Helming vaxta skal leggja við höfuðstólinn, þangað til sjóðurinn er orðinn gkr. 50 000, þá 1/3 vaxta, þangað til sjóðurinn nemur gkr. 75 000, úr því 1/4 vaxta, þangað til höfuðstóllinn er orðinn gkr. 100 000. Eftir það skal leggja 1/10 vaxta við höfuðstólinn, og má þá úthlutunarnefnd færa út starfssvið sjóðsins, ef ástæða þykir til, en jafnan skal sjóðurinn þó fyrst og fremst vera styrktarsjóður. Komi það fyrir eitthvert ár, að enginn eða ekki fullur styrkur sé veittur úr sjóðnum, ákveður sjóðsstjórn, hvort hið óráðstafaða fé skuli lagt við höfuðstól eða því bætt við úthlutun næsta árs eða næstu ára. Þeim hluta af vöxtum sjóðsins, er ekki á að leggja við höfuðstól, skal varið til styrkja, skv. 3. gr.

7. gr.

Styrkinn skal auglýsa í fréttabréfi Hússtjórnarkennarafélags Íslands að hausti ár hvert. Sjóðsstjórn sér um úthlutun.

8. gr.

Stjórn sjóðsins annast reikninga hans og skal gerð grein fyrir endurskoðuðum reikningum á aðalfundi Hússtjórnarkennarafélags Íslands.

9. gr.

Telji sjóðsstjórn æskilegt að leggja sjóðinn niður skal ráðstafa eigum hans í samráði við ættingja Helgu Sigurðardóttur.

10. gr.

Verði Hússtjórnarkennarafélag Íslands lagt niður getur stjórn sjóðsins ákveðið hvernig sjóðnum skuli varið. Ráðstöfun sjóðsins þó jafnan við það miðuð að hann stuðli að því að efla hússtjórnarfræðsluna í landinu.

11. gr.

Stjórn sjóðsins getur breytt skipulagsskrá þessari, enda sé hún einhuga um breytinguna.

12. gr.

Leita skal staðfestingar dómsmálaráðherra á skipulagsskrá þessari.

13. gr.

Skipulagsskrá þessi kemur í stað skipulagsskrár fyrir Minningarsjóð Helgu Sigurðardóttur skólastjóra Húsmæðrakennaraskóla Íslands, nr. 162 frá 12. september 1963.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 3. apríl 1990.

F. h. r.

Jón Thors.

Fanney Óskarsdóttir.

Nr. 170

2. apríl 1990

REGLUR

um eftirlit og viðhald handslökkvitækja.

Efnisyfirlit:

- 1 Almennar reglur.
- 2 Mánaðarlegt eftirlit.
- 3 Árlegt viðhald.
- 4 Árlegt viðhald - sérkröfur.
- 5 Þrýstiprófun.

1.0 Almennar reglur.

1.1 Gildissvið.

Í reglugerð þessari eru lágmarkskröfur um eftirlit og viðhald handslökkvitækja í skipum samkvæmt fyriræmum Siglingamálastofnunar ríkisins, og á landi þar sem reglubundis eftirlits og viðhalds er krafist t.d. samkvæmt reglugerðum eða samningum milli einkaaðila eða fyriræmum slökkviliðsstjóra á hverjum stað.

Reglugerðin gildir einnig um húsnæði og tækjabúnað prófunarstöðva fyrir handslökkvitæki, þar sem fram fer skoðun á ástandi og notagildi tækjanna, viðgerðir og viðhald, áfylling slökkviefnis og/eða þrýstiprófun á hylkjum, þrýstiflöskum og slöngum.

Einnig gildir hún sem lágmarkskröfur um menntun og starfshæfni þeirra manna, sem sinna eftirliti og viðhaldi handslökkvitækja, hvort sem er á vettvangi eða í prófunarstöð.

Reglugerðin tekur ekki til handslökkvitækja í flugvélum.

1.2 Prófunarstöðvar (viðhaldsstöðvar).

Prófunarstöðvar, fastar eða færanlegar, skulu hafa búnað og tæki til skoðunar, viðgerða, viðhalds og áfyllingar handslökkvitækja, og e.t.v. einnig til þrýstiprófunar á hylkjum og þrýstiflöskum, allt í samræmi við þessa reglugerð og leiðbeiningar framleiðenda tækjanna. Geymsla á slökkviefnum og áfylling á handslökkvitæki skal fara fram í rýmum, þar sem rakastigi í lofti er að jafnaði haldið undir 60%. Slökkviefnin skulu vera í þannig geymslu, að þau óhreinkist ekki, blotni eða liggja undir skemmdum af öðrum toga.